

RHYBUDD o Benderfyniadau'r Cyfarfod o'r Pwyllgor Gwaith a gynhaliwyd yn Siambr y Cyngor, Swyddfeydd y Cyngor, Llangedfni ar Dydd Llun, 15 Rhagfyr 2014.

Cyhoeddir y Rhybudd hwn am 5:00pm ar ddydd Iau, 18 Rhagfyr, 2014. Rhaid cyflwyno unrhyw geisiadau i alw i mewn unrhyw benderfyniad i'r Prif Weithredwr erbyn dim hwyrach na 5:00pm ar ddydd Llun, 5 Ionawr, 2015. Daw'r penderfyniadau i rym (os na fydd yna gais dilys i'w galw i mewn) ar ddydd Mawrth, 6 Ionawr, 2015.

Presennol: Y Cyngorwyr R Dew, K P Hughes, A M Jones, H E Jones ac Ieuan Williams (Cadeirydd)

Hefyd yn bresennol: Y Cyngorwyr John Griffith, Trefor Lloyd Hughes, Llinos M Huws, R Meirion Jones, Nicola Roberts, ac R G Parry, OBE

Ymddiheuriadau: Y Cyngorwyr J A Roberts ac Alwyn Rowlands

(10.00 am – 12.20 pm)

RHIF YR EITEM A'R PWNC	3 Cofnodion
PENDERFYNIAD	Penderfynwyd cadarnhau cofnodion y cyfarfod o'r Pwyllgor Gwaith a gynhaliwyd ar 1 Rhagfyr, 2014 fel rhai cywir.
RHESWM AM Y PENDERFYNIAD	D/B
A OES MODD EI ALW I MEWN?	D/B

RHIF YR EITEM A'R PWNC	4 Strategaeth Effeithlonrwydd y Cyngor 2014-17 Adroddiad gan y Dirprwy Brif Weithredwr
PENDERFYNIAD	Penderfynwyd:- <ul style="list-style-type: none"> • Nodi ymateb dinasyddion Ynys Môn i'r cynigion a'r syniadau a gyflwynwyd yn yr arolwg Gwneud Gwahaniaeth. • Mabwysiadu'r Strategaeth Effeithlonrwydd yn ffurfiol ar gyfer 2014 ac alinio'r cynigion cyllidebol ar gyfer y 3 blynedd nesaf gyda'r egwyddorion a

	amlinellir ynddi.
RHESWM AM Y PENDERFYNIAD	Fel rhan o'r fframwaith ar gyfer cynllunio gwasanaethau a'r gyllideb.
A OES MODD EI ALW I MEWN?	Ydi

RHIF YR EITEM A'R PWNC	5 Y Gyllideb Refeniw Ddrafft 2015-16 Adroddiad gan y Pennaeth Swyddogaeth (Adnoddau) a'r Swyddog Adran 151 Dros Dro
PENDERFYNIAD	Penderfynwyd – <ul style="list-style-type: none"> • Mabwysiadu'r gyllideb ddigyfnewid ddrafft fel sail ar gyfer cyllideb refeniw 2015/16. • Y dylai'r Pwyllgor Gwaith geisio gwneud digon o arbedion yn 2015/16 i gydbwysu'r gyllideb refeniw heb ddefnyddio cronfeydd wrth gefn. • Y dylai'r Pwyllgor Gwaith gynllunio i gwrdd â chostau nad oes modd eu hosgoi mewn perthynas â diswyddo neu gostau unwaith ac am byth eraill i gyflawni arbedion heb ddefnyddio cronfeydd wrth gefn.
RHESWM AM Y PENDERFYNIAD	Cymeradwyo'r rhagdybiaethau yn y gyllideb ac effaith y setliad ariannol.
A OES MODD EI ALW I MEWN?	Na. Y Cyngor Llawn fydd yn penderfynu'r Gyllideb Refeniw

RHIF YR EITEM A'R PWNC	6 Rhaglen Gyfalaf Ddrafft 2015/16 Adroddiad gan y Pennaeth Swyddogaeth (Adnoddau) a'r Swyddog Adran 151 Dros Dro
PENDERFYNIAD	Penderfynwyd y dylid cynnwys yr eitemau a oedd wedi eu hamlygu yn Atodiad A i'r adroddiad (a oedd yn werth £14,480m) yn y Rhaglen Gyfalaf ar gyfer 2015/16 i 2019/20.

RHESWM AM Y PENDERFYNIAD	Fel bod modd i'r Pwyllgor Gwaith fod yn gyfrifol am raglennu bidiau cyfalaf am 2015/16 ar lefel gorfforaethol.
A OES MODD EI ALW I MEWN?	Na. Y Cyngor Llawn fydd yn penderfynu'r Rhaglen Gyfalaf

RHIF YR EITEM A'R PWNC	7 Costau Cludiant Ysgol Adroddiad gan y Cyfarwyddwr Dysgu Gydol Oes
PENDERFYNIAD	<p>Penderfynwyd –</p> <ul style="list-style-type: none"> • Cymeradwyo cyflwyno system “dim tocyn, dim teithio” er mwyn sicrhau bod gan bob teithiwr sedd benodol ar y bws. • Cymeradwyo Opsiwn 2 a amlinellir yn yr adroddiad i gynyddu ffioedd yn raddol er mwyn sicrhau eu bod yn gyson gyda ffioedd a godir gan weddill yr awdurdodau yng Ngogledd Cymru. • Sicrhau cysondeb yng ngweithrediad y polisi cludiant trwy ddileu'r gwasanaethau anstatudol a ganlyn: Pentre Berw i Ysgol Esceifiog a Maes Llwyn / Porth Amlwch i Ysgol Gynradd Amlwch, yn amodol ar gynnal asesiad risg ar gyfer y llwybrau hynny. • Cyfathrebu'r newidiadau'n eglur i rieni, disgyblion a llywodraethwyr ysgol, a chyflwyno trefniadau diogelwch mewn perthynas â disgyblion sy'n colli eu tocynnau bws.
RHESWM AM Y PENDERFYNIAD	Cymeradwyo strwythur ffioedd a thendrau ar gyfer gwasanaethau bws ysgol.
A OES MODD EI ALW I MEWN?	Ydi

EITEM GYFRINACHOL

RHIF YR EITEM A'R PWNC	<p>9 Ail-strwythuro'r Uwch Dim Rheoli gyda'r golwg ar wneud Arbedion Effeithlonrwydd Adroddiad gan y Prif Weithredwr</p>
PENDERFYNIAD	<p>Penderfynwyd –</p> <ul style="list-style-type: none"> • Argymell Opsiwn 4 i'r Cyngor Sir fel yr opsiwn y mae'r Pwyllgor Gwaith yn ei ffafrio ar gyfer cyflawni'r amcanion ac fel un y mae modd ei weithredu, gyda golwg ar gomisiynu gwaith manylach i ddatblygu'r opsiwn ar gyfer ymgynghori gyda staff. • Argymell cychwyn y rhaglen ailstrwythuro yn ddi-oed. • Argymell bod y Prif Weithredwr yn cael ei awdurdodi i gomisiynu cyngor cyfreithiol arbenigol a/neu arweiniad AD proffesiynol ar gyfer datblygu'r cynlluniau ymhellach os a phryd yr ystyrir bod angen gwneud hynny yn y broses. • Argymell bod y rhaglen ailstrwythuro yn cael ei llywio gan y Prif Weithredwr. • Awdurdodi'r Prif Weithredwr i gywain barn rheoleiddwyr gwasanaeth wrth ddatblygu ymhellach yr opsiwn a ystyrir yn yr argymhelliad terfynol cyn cyflwyno'r mater yn ffurfiol i'r Cyngor. • Argymell bod swyddi statudol y Swyddog Adran 151 a'r Swyddog Monitro yn cael eu hymgorffori o fewn yr Uwch Dîm Arweinyddiaeth. • Argymell y dylai'r broses o benodi Prif Weithredwr newydd gychwyn ar unwaith fel y cam cyntaf yn y broses o ailstrwythuro'r Uwch Dîm Arweinyddiaeth a chymeradwyo'r opsiwn a ffefrir ar gyfer newid ar yr un pryd, ac, yn dilyn penderfyniad gan y Cyngor, gofyn i'r Pwyllgor Penodiadau weithredu'r broses recriwtio ar gyfer yr ailstrwythuro a gofyn iddo hefyd ystyried y strwythur tâl fel mater o flaenoriaeth. • Awdurdodi'r Prif Weithredwr i rannu

	<p>cynnwys yr adroddiad gydag aelodau'r Uwch Dîm Arweinyddiaeth yn y lle cyntaf i wahodd eu sylwadau, cyn cyflwyno'r mater i'r Cyngor Sir a chyn ymgynghori ymhellach gyda'r Penaethiaid Gwasanaeth a'r Undebau Llafur.</p> <ul style="list-style-type: none"> • Gofyn i'r Prif Weithredwr, mewn ymgynghoriad gyda'r Gwasanaeth AD a'r Gwasanaethau Cyfreithiol, i lunio amserlen ar gyfer pob cam yn y broses ymgynghori er gwybodaeth a chymorth i'r Arweinyddion Grwpiau.
RHESWM AM Y PENDERFYNIAD	Cyfrannu at y rhaglen o arbedion effeithlonrwydd.
A OES MODD EI ALW I MEWN?	Na. Penderfyniad i'w wneud gan y Cyngor llawn.